

LXXXXX

سنة ۱

ابول ۱۳۳۲

صافی: ۴

دارالفتون

حقوق فائز و لیث محمد علی

حقوق، سیاسیات، اقتصادیات

اصول جزائیه تدقیقاتی

(۱)

ملئترك قابليت مدنيه وتشكيلات اجتماعيه لريه متناسباً تحولات وتغيراته معروض قالان ودها صحيح برتعبيره تابع اولان اصول محاکمات جزائیه، ادوار سالفه دئیری بالجمله ملل واقوام مختلفه دده عینی اساسی ارأئه وتعقيب ايسکده بولمسنه نظراً تدقیقاتمزی بو دائره ده تعقيب ایتمکدن دها اسلم برطرز مطالعه اوله میه جعی بدیهیدر . فی الحقیقه علم حقوق نقطه نظرندن مابه التطبيق وشایان دقت اساسات وضعه موفق اولان رومالیر زمانه دکین ملل سائر قوانین اساسیه واصولیه سنده نظریات حقوقیه وجزائیه دن پک آز وپک بسیط احکام مصادف نظرمنز اولیورسده هرحالده بو باده کی تدقیقات تاریخیه اصولیه بزه هر قومک مدنیت اجتماعیه سیله اصولنک تنوع وتوسع وحتى یالکزر برقوم ویاملتک دخی زماناً ترقیات وخطوه تکملاتیه اصول محاکمه سنک اونسبتده تحول ایلدیکنی ودرجه درجه کسب صلاح ایتدیکنی پک جلی برصورتده ارأئه ایلکده در .

از جمله اون سکزنهی عصره قدر اوروپاده جاری تعدی واذادن فلسطین اهالیسنی محافظه یه کافل اولان ومیلاددن اون یدی عصر اول وضع اولنان اصول وقوانین عبرانیه، اقوام سائر قوانینک اوزمان قبول ایتدکری معاملات مساعده کارانه یی، رفق وملازمتی، حقوقک قواعد اساسیه سندن بعضلرینی، واشبو قوانین واصول موضوعه نک مأخذی بولنان تورانه استناد آده اک اسلم احکام حقوقیه دن اولان افرادک حقوقه مساواتی اساسی، وضع وقبول ایلشدی .

دها او زمان عبرانیلر، کک طرفین وسامعین وکک حکم ایله حاکمکر نقطه نظرندن محسناتی بی اشتباه اولان و بوکون عمومیتله قبول ایدلمش بولنان محاکماتک شفاهی وعلنی جریانی وبوصورتله معاملات تحقیقه وحکمک هر کونا علل وشبهه دن مصون وحقوق مدافعه ایله تأثیرات حکمییه یی حسن محافظه ایلدکری کبی برای مدافعه طرفینک جلب واحضاریله تشکیلنی وطرز جریان محاکمه نک ضبطنی دخی اصول محاکمه لرینه وضع

ايشلردى اصول محاكملىرى پك واسع اولان عبرانيلىر بوندنماعدان جانيلرك مستقل تاسيس ايدلمش بولنان جنائت محكمه سنده موقوفاً وصورت قطعيه ده اوله رق محاكمه اولنلرينى وبالجملة محاكمه طرفينك سربستى حق مدافعه سنى وشاهد واحدله اعطاي حكم اولنماسنى وجايتدن ماعدا دعاوينك بدايه واستينافاً تدقيقى واحكام قانونيه نك عندالحاجه هيئت مخصوصه سنجه تفسيرى وحكامك بيطرفلنى اساسى وانفاذ حكمده دخى معاملات واقع نك ضبط وتحريرى عصر حاضرده دخى مابه التطبيق اولان حاكملىرى فخرىاً ايفاي خدمت ايدم بيله جك اصحاب ثروتدن وبالخاصه بين الناس اك زياده شايان اعتماد ورعايت مستغنى ذواتدن انتخاب اولنلرينى وختم محاكمه ايله بوكون جارى اولدينى برشكلده مذاكره نك خفياً جريانى وانحق حاكملىرى بعدالماذاكره رايلىرى بركونه تأمل وعكسى معتبر اولماق اوزره محكومك لهنه تبديله ومثلاً بعدالماذاكره مجرميت حقنده راي اعطا ايدلكدن صكره ايرتسى كوني بوندن نكول ايله برائت قرارى ويره بيلملىرى از جمله خصوصات سائرده مظلونلرك لهنه اولان احكامك قبولى وبالنتيجه قرارلرك اكثريتله اتخاذ وتفهيمى وبرائت حالده در حال تخليه سبيل اساسلىرى اصول محاكملىرى درج وتطبيق ايشلردى . نظريات اصوليه متخصصلىرى بوكون دخى قبول ايدلكرلى بر جوق احكامك عبرانيلىرك اصول محاكملىرى موقى بولسنى بشرىت وانسانلى اعتباريله عبرانيلىرك ترقيلردن متولد بر كفييت اولدينى انكار اولمه ماز . اشبو اصول محاكمه عبرانيلىرك تاريخ انقراضلىرى قدر هر كون بر خطوه تكمل ايله پايدار اولمشدى . ايلك احكام قانونيه لرى عجملىرك استيلاسه دكين مرعى اولان ، عالم بشرىت وانسانيت نك ايتدكلرى آثار جسيمه ومدنيه ليله تميز ايتمش بولنان مصريلرك اصول محاكملىرى دخى ظلم واعتسافى قبول ايتمه نك محاكمه ومدافعه نك علناً وتحريراً اجراسنى ومذاكره نك خفياً جريانى وقرارلرك اصوللرى وجهله تفهيمى واو زمانه قدر نظردقته آلمان حامله قادينلر حقنده معاملات استثنائيه قبول ايتمشدى . احكام جزائيه لرى جرائمك ماهيتلى هر قومه متبدلى . مع مافيه مصريلر قتل ، سرقت ، وزناى قانوناً افعال ممنوعه دن عد ايشلردى . خلاصه ساحه تمدنه مرتبه كاله واصل اولان مصريلرك اصول محاكملىرى دخى عدالت وحقيقتك ظاهره اخراجى ضمننده لازمكلن قواعدى ، مصريلرك احوال اجتماعيه وتكملات روجه لرى موافق بر صورتده درج وجمع ايتمشدى .

ملتلك قابليت تمدنيه وعلميه لرى درجه سنى اراده ايدن اصول محاكمات جزائيه ، قديم

ایرانیه لرده ده حقوق اجتماعیہ صیانت و محافظہ اولمندیغی جهتله هیچ برزمان پایدار اوله میان معاملات عندیہ و کیفیہ منقلب اولمش ، احکام عادلانه یرینه هیچ ارزو ایدلمسان ظلم واشکنجه نك جریانته بر زمین منبت احضار ایلمشدی . اسلامك برآرہلق استیلاسی تاریخنه د کین هنمیلرده دخی تغلب و ظلم واعتساف ایله برابرینه حقوق و جزا ایچون بر اصول محاکمه مرعی و بونکله شهودك امر تحلیفی و شهادتہ بنسای حکم ایدلمسی جاری ایدیسده اساس اعتباریله نظریات اصولیه دن کلیاً بری اولان بواصولك علم حقوق نقطه نظرندن شایان تدقیق و مطالعه بر جہتی موجود دکل ایدی . انجق استیلای اسلام زمانسده شریعت اسلامیہ حاکم اولمش و فقط استیلانك حکم وادارہسی نہایت بولدیغی تاریخدنصرکده شریعت احمدیہ نك قواعد و اصول عادلانهسی اونودلمش وانکلیزلرك تحکم وادارہ لری وحتی اندن صکره بیلہ بر حقوق حقوقاً غیر مقبول و معتبر اصولر دوام ایدہ کلمشدی . خلاصه هندیلرکده تاریخ حیاتلرنده نظریات حقوقیہ ایله قابل تألیف دکل حتی آزارحق عادلانه اوله بیلہجك بر اصول محاکمه لری - بق ایتمامشدی دینہ بیایر . آثارینی انسانیتہ ترك ایلدکلری صنایع نفیسه و شعر ایله فلسفہده کوستردکلری ذکا و آثار کمال ایله کاشانه خدمت لر و ضیای حکمت معرفت نشر ایلش بولان قدیم یونانیلر مع الاسف طبیعتاری مقتضیاتی اوله رق علم حقوق کبی جدی بر فن ایله اشتغال ایدہ مامشدر در فی الحقیقه تاریخ اعتباریله پك قدیم اولان مینوس و سائر واضع قانونلرك آثار متروکهلرنده موجب فائده نقاط بولنه بیلیرسده قواعد حقوقیہ و اصول محاکمهده بوکون ایچون شایان استفاده بر نتیجه استحصالی مفقوددر . اخلاق و احوال اجتماعیہ نك او و قتلر بر زمین مساعد بوله مدیغندن متولد شو حال دهها زیاده تعمیق ایدیلیرسه کوریلیر که یونان قدیمك معاملات حقوقیہ و جزائیهده اشکال و صور مختلفهده قبول و جریان ایتدیردیکی قوانین و اصول محاکمه تحقیقات و محاکماتده ، قرار و تنفیذ حکمده نظریات علم حقوق ایله غیر قابل تألیف پك چوق قواعدی احتوا ایلش و زمان زمان تحولاته معروض قالمش فقط بوتغیرات ایله دخی بر اثر ترقی و تکامل ارأه ایدہ مامشدر . مملکتلرنده آتنه اهلایسی ایله صنوف سائرہ واجنبیلرله مهاجرین حقوقاً آیری یشامشدر و هر بری حقلرنده تطبیق ایدیلان احکام اصولیه دخی یکدیگرندن دائماً فرقلی بولنمشدر . تحری حقیقت و اظهار معدلت فکریله متعدد اصوللرك عین زمانده قبولی ممکن اوله میه جفتدن بونك عکسنه حرکتكده علم حقوق ایله قارداش اوله میه جنی طبیعتیله ظاهر اولمش اولور .

از جمله اسپارطه خاندان حکمداریسنه منسوب بولان و میلاددن مقدم کلن رجال یونانیهدن واضع قانون لیکورگک نشر و تطبیق ایلدیک قوانین و اصول محاکمه ألنوزلرک اصول محاکمه لرینک الک جلی بر رشکلنی عرض ایدر . لیکورغ پک مستبدانه قوانین وضع ایش ، قوانین بشریه دن اولان ترقیات انسانییه هیچ بر صورتله نظر دقته آلامش واک زیاده طبیعتک معکوس و مخالفی اولان احکامی ایفا ایلک ایسته مشدر . وضع ایلدیک قوانینده : وظیفه زوجیتی ایفا ایدمین ، عقیم بولنان زوجلرک ، قوتلی و دینج بر آدمی انتخاب ایله زوجهنی اکا تسلیمه مجبوریتنی قبول ایلنی و پک ماهرانه اجرا قلنان سرقتلرله فحشیاتی افعال جریه دن عدایتنامسی ، هر هانکی بر نقطه نظر دن محاکمه ایدیلیرسه ایدلسون لیکورغ قانونلرینک ماهیتی و ألنوزلرک تاریخ مذکورده کی احوال اجتماعیه و سویه انسانیه لرینک درجه لری حقیقه آریجه ایضا حاته لزوم براقیه جنی کی اشبو قوانین و اصوللرک دخی نه درجه لرده مخالف طبیعت و منطق اولدیغنی اراؤه ایدر .

کرک بونک و کرک معاصر لری اولان (دراقون) کی واضع قانونلرک وضع ایلدکاری قوانینده معدلتن زیاده التزام ایلدکاری شدت اوقدر فاحش بر در کی بولمشدی که مدعیلر و شاهدلری دخی اقامه دعوی و شهادتن تحاشی و صرف نظر ایتدیرمشدی و بوضورتله محافظ و کافل حقوق بشریت اولسی لازمکلن قوانین عکس تأثیر اجرا ایدردی . بالکتر احکامی قدیم حکومت یونانیه نک انقراضه قدر باقی اولان واضع قانون (سولون) ک قوانینی کرک جزا و کرک اصول محاکمه سنده لیکورغ اصول و قوانینی کی اولمیوب بالعکس بر درجه بشریتک حائر اولدیغنی خصائصی نظر دقته آلمش ، اهانلنک تبدل ایتکه باشلایان احوال اجتماعیه و قدرت مدنیه لرله متناسب بر شکلده وجود بولمش و خصوصیه اجانبه اختلاطی ترجیح و احکام حقوقیه یی آنلرده تشمیل ایله قوانین مخصوصه سنده ده ارباب صنایع و علوم و فنی و بالخاصه عسکرلکی توقیره خادم بولنمشدر . ایلک دفعه اوله رق (سولون) [جزا فنالک اوگنی آلق ایچون وضع اولنمیدر] دیهرک نظریات حقوقیه یی قبوله یاقلاشمشدر . وضع ایلدیک قانون جزا و اصول محاکمه سنده دخی اعتدال فکر ایله جزای تقدی و جسمانی و طرفینک دعوت و استماعیه شهادته بنای حکم ایدلمسنی ، اعتراض و مدافعات کی اساسلری قبول و فقط فضله اوله رقدن تعلیق و تأخیر محاکمه و اتخاذ قرار

جمع و آرا کی خصوصانده ده بی فائده لزومسز بعض قیود و شرائطی درج ایلمشدی . درجات
محاکم ایله حاکمک ، تشکیلات و صلاحیتلری دخی پک مختلف و واسع ایدی . خلاصه
(سولون) دوری تاریخ حقوق اعتباریله لیکورغ دورندن تماماً آیری قوانین دخی
انک قوانینیه هیچ بر صورتله قابل قیاس اولیوب بالعکس عصر من علمای حقوقنجه بیله
سولون احکامی توسیع و تنویر افکاره خادم کورولمشدر .

حقوق فاکولته سی اصول محاکمات جزایه

مدرس وکیلی

اسماعیل رانب

